

etroit le collier qu'on luy auoit donné,) ie le feray voir à ceux qui font eschapez de la mort pour leur donner enuie de se venir ranger sous vn si braue Capitaine. Puiffiez vous viure longues années, braue Capitaine, puiffiez vous conseruer ceux qui sont sous vostre conduite.

Cette harangue finie chacun se retire en son quartier, & ce Capitaine resuscité voulant commencer sa charge fit venir à soy les principaux de sa nation & quelques pauures vesues, & sur l'heure mesme leur donne ce qu'il auoit de meilleur en sa cabane. A l'vn il donne vne couuerture, à l'autre vne robe de Castor, à celui-cy vn Calumet, à ces autres vn sac de bled d'Inde, aux pauures femmes quelques peaux de Castor pour se faire des robes. Il donna à quelques guerriers son épée, son poignart & son pistolet, & [256] puis les congédia avec ces trois mots: Tandis que ie viuray ie vous assisteray & vous aideray de tout mon pouuoir. Voila les reuenus des charges des Seigneurs & des principautez des fauages.

FIN.